

პროგრამის განაცხადის ფორმა

პრიორიტეტის დასახელება, რომლის ფარგლებშიც ხორციელდება პროგრამა:

კულტურა, ახალგაზრდობის ხელშეწყობა და სპორტი

პროგრამის კლასიფიკაციის კოდი:	05 06
--------------------------------------	-------

პროგრამის დასახელება:

ახალგაზრდობის განვითარების ხელშეწყობა

პროგრამის განმახორციელებელი:

ქ. ბათუმის მუნიციპალიტეტის მერია

პროგრამის განხორციელების პერიოდი:	2019-2022 წლები
--	-----------------

პროგრამის მიზანი:

ქალაქ ბათუმში მცხოვრები მოზარდებისა და ახალგაზრდების განვითარების ხელშეწყობა, ნიჭისა და შესაძლებლობების გამოვლენისთვის ხელსაყრელი გარემოს შექმნა

პროგრამის დასაბუთება და აღწერა:

თანამედროვე მსოფლიოში მიმდინარე სწრაფად ცვლელადმა გარემომ, ტექნოლოგიებისა და ციფრული კომუნიკაციის განვითარებამ, მნიშვნელოვანი კონკურენციის წინაშე დააყენა ადამიანი, ამიტომ, აქტუალური გახდა კითხვა, თუ რა სახის განათლება უნდა მიიღონ ადამიანებმა, რომ იგი მომავალში გამოიყენონ. კვლევები ადასტურებს, რომ დღითიდღე დიდი მნიშვნელობა ენიჭება კრიტიკული აზროვნების, შემოქმედებითი უნარებისა და პიროვნულ განვითარებას. გამომდინარე აქედან, ფორმალური განათლების გარდა, საჭიროა სახელმწიფოს მხრიდან როგორც ინდივიდუალური, ასევე ინსტიტუციონალური მომსახურებები იმისთვის, რომ უზრუნველყოფილი იყოს ახალგაზრდების სრულყოფილი განვითარების შესაძლებლობები. საყოველთაოდ ცნობილია, რომ სახელმწიფო უფლება-მოვალეობების განხორციელება ხდება ხელისუფლების იმ ორგანოების მიერ, რომელიც ყველაზე ახლოს არიან მოქალაქეებთან. ადგილობრივი თვითმმართველობა კი ახალგაზრდებთან ყველაზე დაახლოებული ორგანოა, ამიტომ მას გაცილებით მეტი პასუხისმგებლობა ეკისრება. „საქართველოს სახელმწიფო ახალგაზრდული პოლიტიკის დოკუმენტის“ მიხედვით, ახალგაზრდის ასაკი განსაზღვრულია 14 დან 29 წლამდე. მნიშვნელოვანია, რომ ახალგაზრდების განვითარების ხელშეწყობა განხორციელდეს ასაკობრივი განვითარების თავისებურებებისა და ინტერესების გათვალისწინებით. განსაკუთრებით მნიშვნელოვანია, რომ განვითარების მრავალმხრივი შესაძლებლობები და პირობები ჰქონდეთ ახალგაზრდებს, რომლებიც იმყოფებიან პიროვნული ჩამოყალიბების პერიოდში - 14 დან 18 წლამდე, ამ ასაკის ახალგაზრდების ფსიქოლოგიური განვითარების მახასიათებლებია ინტერესის გამოვლენა იმ ცოდნის მიმართ, რაც ფორმალური განათლების ფარგლებს სცილდება, აქვთ შემოქმედებითობის მოთხოვნილება, ინტერესი მხატვრული ლიტერატურისადმი, გააჩნიათ კამათის, თანატოლებთან ურთიერთობის მოთხოვნილება. უყალიბდებათ თვითშეფასება, მსოფლმხედველობა, ლოგიკური აზროვნება და წარმოსახვის უნარი.

18 დან 24 წლის ახალგაზრდების მთავარი საზრუნავი არის განათლების მიღება, რომელიც უზრუნველყოფს მათ ინტეგრაციას შრომის ბაზარზე, დამოუკიდებელი ცხოვრების დაწყება და საზოგადოების სრულფასოვან წევრად ჩამოყალიბება. ეს ასაკობრივი პერიოდი ასევე დაკავშირებულია ასოციალური ქცევის, სოციალურ ურთიერთობებში პრობლემების, წარუმატებელი კარიერული არჩევანის, სიღარიბისა და სხვა რისკებთან. საზოგადოებაში ახალგაზრდების ინტეგრაცია დამოკიდებულია მასზე, თუ როგორ არის დაცული ახალგაზრდების საჭიროებები და ინტერესები სხვადასხვა სექტორებში: დასაქმება, განათლება, სოციალური და ჯანმრთელობის დაცვა. 25 წელს ზემოთ ახალგაზრდების ძირითადი მიზანია, რომ იყვნენ საზოგადოების სრულფასოვანი, დამოუკიდებელი წევრები, მოხადინონ შრომის ბაზარზე მათი მდგომარეობის სტაბილიზაცია და დაიწყონ ოჯახური ცხოვრება. სწორედ აღნიშნული მოცემულობების საფუძველზე, 2018-2021 წლების "ქალაქ ბათუმის მუნიციპალიტეტის სტრატეგიული განვითარების გეგმაში", ხაზგასმით არის აღნიშნული რომ ახალგაზრდების განვითარება მნიშვნელოვან ფასეულობას წარმოადგენს.

როდესაც ახალგაზრდებს აქვთ განცდა, რომ ადგილობრივი თვითმმართველობა მათი ინტერესების გათვალისწინებით მოქმედებს, ახალგაზრდების ინტერესი და მოტივაცია, მათი სოციალური პასუხისმგებლობაც თანდათანობით იზრდება. ქალაქ ბათუმის მუნიციპალიტეტში 14 დან 29 წლამდე 39 000 ახალგაზრდაა რეგისტრირებული. მათ განვითარებაზე ზრუნვა კი პირდაპირ აისახება ქალაქის მომავალ კულტურულ, სოციალურ და ეკონომიკურ განვითარებაზე. აღნიშნულიდან გამომდინარე, ქალაქ ბათუმში მცხოვრები ახალგაზრდების სრულფასოვანი განვითარების ხელშეწყობისთვის ქ. ბათუმის მუნიციპალიტეტის მერიის ახალგაზრდული პროგრამების ფარგლებში 2019 წელს განხორციელდება არაფორმალური განათლების გავრცელების ხელშეწყობის ღონისძიებები, შემოქმედებითი, კულტურული, აქტიური მოქალაქეობის, სოციალური უნარების, კრიტიკული და შემოქმედებითი აზროვნების განვითარებისკენ მიმართული პროგრამები, მონაწილეობისა და გადაწყვეტილების მიღების პროცესში ახალგაზრდების ჩართვის ხელშეწყობის აქტივობები. უზრუნველყოფილი იქნება წიგნიერების განვითარების შესაძლებლობები, მოეწყობა ძალადობისა და დისკრიმინაციის პრევენციული ღონისძიებები. შეზღუდული შესაძლებლობის მქონე მოზარდებისა და ახალგაზრდების ჩართულობის გაზრდისთვის უზრუნველყოფილი ინტეგრაციასთან დაკავშირებული საკითხების მოგვარება. ახალგაზრდებსა და მოზარდებს ექნებათ შესაძლებლობა შეიკრიბონ უსაფრთხო სივრცეში, იმსჯელონ აქტუალურ და მათთვის საინტერესო თემებზე, გამოავლინონ თავიანთი შესაძლებლობები, კულტურული მისწრაფებები, გაუზიარონ თანატოლებს თავიანთი ინტერესები. წარმოადგინონ ინიციატივები და მიიღონ ფინანსური მხარდაჭრა მათი განხორციელებისთვის.

პროგრამის მიზნის მისაღწევად დაგეგმილია შემდეგი ქვეპროგრამების განხორციელება:

1. ახალგაზრდული ცენტრი;
2. ინტელექტუალური და შემოქმედებითი პროექტების ორგანიზება და მხარდაჭერა.

პროგრამის ბიუჯეტი

დასახელება	სულ	2019 წელი	2020 წელი	2021 წელი	2022 წელი
ახალგაზრდული ცენტრი	557 000	122 000	135 000	145 000	155 000
ინტელექტუალური და შემეცნებითი პროექტების მხარდაჭერა	146 000	35 000	36 000	37 000	38 000
სულ პროგრამა	703 000	157 000	171 000	182 000	193 000

საბოლოო მოსალოდნელი შედეგი

ხელშეწყობილია ახალგაზრდებისა და მოზარდების განვითარება

დამატებითი ინფორმაცია

პროგრამის საბოლოო შედეგის ინდიკატორები

მოსალოდნელი შედეგი	შედეგის ინდიკატორები						გაზომვის ერთეული	მონაცემთა წყარო	პასუხისმგებელი (საბიუჯეტო ორგანიზაცია, სამსახური)	მოგროვების მეთოდი
		2018 წელი (საბაზისო)	2019 წელი	2020 წელი	2021 წელი	2022 წელი				
ხელშეწყობილია ახალგაზრდებისა და მოზარდების განვითარება.	ახალგაზრდების ინიციატივით განხორციელებული პროექტების რაოდენობა	10	10	12	14	16	რაოდენობა	ქ. ბათუმის მუნიციპალიტეტი ს მერიის განათლების, კულტურის, სპორტისა და ახალგაზრდობის სამსახური	ქ. ბათუმის მუნიციპალიტეტის მერია	მონიტორინგი
	ახალგაზრდების ინიციატივით განხორციელებული პროექტებში ჩართული ახალგაზრდების რაოდენობა	100	500	1000	1200	1400	რაოდენობა	ქ. ბათუმის მუნიციპალიტეტი ს მერიის განათლების, კულტურის, სპორტისა და ახალგაზრდობის სამსახური	ქ. ბათუმის მუნიციპალიტეტის მერია	მონიტორინგი
	კლუბებში განხორციელებული ღონისძიებების რაოდენობა		80	100	120	140	რაოდენობა	ქ. ბათუმის მუნიციპალიტეტი ს მერიის განათლების, კულტურის, სპორტისა და ახალგაზრდობის სამსახური	ქ. ბათუმის მუნიციპალიტეტის მერია	მონიტორინგი

<p>ახალგაზრდული ცენტრის პროგრამის ფარგლებში ჩატარებული ტრენინგებისა და შეხვედრების რაოდენობა</p>	15	30	40	45	50	რაოდენობა	<p>ქ. ბათუმის მუნიციპალიტეტი ს მერიის განათლების, კულტურის, სპორტისა და ახალგაზრდობის სამსახური</p>	<p>ქ. ბათუმის მუნიციპალიტეტის მერია</p>	<p>მონიტორინგი</p>
<p>ახალგაზრდების განვითარებისათვის ორგანიზებულ ღონისძიებებში ახალგაზრდების სწრებადობის რაოდენობა</p>	200	4000	5000	6000	7000	რაოდენობა	<p>ქ. ბათუმის მუნიციპალიტეტი ს მერიის განათლების, კულტურის, სპორტისა და ახალგაზრდობის სამსახური</p>	<p>ქ. ბათუმის მუნიციპალიტეტის მერია</p>	<p>მონიტორინგი</p>

ქვეპროგრამის განაცხადის ფორმა

პროგრამის დასახელება, რის ფარგლებშიც ხორციელდება ქვეპროგრამა:

ახალგაზრდობის განვითარების ხელშეწყობა

ქვეპროგრამის კლასიფიკაციის კოდი: 05 06 01

ქვეპროგრამის დასახელება:

ახალგაზრდული ცენტრი

ქვეპროგრამის განმახორციელებელი:

ქ. ბათუმის მუნიციპალიტეტის მერიის განათლების, კულტურის, სპორტისა და ახალგაზრდობის სამსახური

ქვეპროგრამის ბიუჯეტი:

დასახელება	2019 წელი
მუნიციპალური ბიუჯეტი	122 000
სხვა წყარო	0
სულ ქვეპროგრამა	122 000

ქვეპროგრამის მიზანი:

ახალგაზრდობისთვის არაფორმალური განათლების, თავისუფალი დროის რაციონალურად გამოყენებისა და საერთო ინტერესების მქონე ახალგაზრდობის თავშეყრის, კულტურულ-შემეცნებითი ღონისძიებების მოწყობისა და ახალგაზრდობის განვითარების ალტერნატიული სივრცის უზრუნველყოფა, მოზარდებისა და ახალგაზრდების იდეების რეალიზება და ინიციატივების მხარდაჭერა, ახალგაზრდობის დამოუკიდებელი მოქმედების ხელშეწყობა და წახალისება, თემის განვითარებაში ახალგაზრდობის წვლილის გაზრდა.

ქვეპროგრამის დასაბუთება და აღწერა:

მნიშვნელოვანია, რომ ახალგაზრდობს ჰქონდეთ არაფორმალური, ალტერნატიული შეკრების ადგილი, სადაც თავისუფლად იმსჯელებენ და განიხილია სხვადასხვა საკითხები, ასევე მიიღებენ მათი განვითარებისთვის საჭირო სერვისებს. ამისთვის, ახალგაზრდული სივრცის არსებობა ერთ-ერთი მთავარი პირობაა. რადგან სწორედ ახალგაზრდული ცენტრი ქმნის კომფორტულ და უსაფრთხო გარემოს, ახალგაზრდობთან და ახალგაზრდობისთვის რეგულარული საგანმანათლებლო საქმიანობის მეშვეობით, რომელიც ხორციელდება ფორმალური განათლების, ოჯახური და სამსახურებრივი კონტექსტის მიღმა და ხელს უწყობს ახალგაზრდობის განვითარებას, საზოგადოებაში მათ აქტიურ მონაწილეობასა და ინტეგრაციას. გარდა ამისა, უმნიშვნელოვანესია მოზარდებისა და ახალგაზრდობის იდეების რეალიზება და ინიციატივების მხარდაჭერა, ახალგაზრდობის დამოუკიდებელი მოქმედების ხელშეწყობა და წახალისება, თემის განვითარებაში ახალგაზრდობის წვლილის გაზრდა.

ქვეპროგრამა „ახალგაზრდული ცენტრი“ ყველაზე მეტად არის მორგებული ახალგაზრდობის არაფორმალური კუთხით განვითარებაზე.

ქვეპროგრამის ფარგლებში განხორციელდება შემდეგი აქტივობები:

1. ახალგაზრდული ცენტრის მოვლა-პატრონობა - აღნიშნული მუხლის ფარგლებში განხორციელდება ცენტრის სანიტარიულ-ჰიგიენური მოვლა-პატრონობა; ყოველთვიურად წარმოშობილი კომუნალური ხარჯის დაფარვა; ცენტრის ადმინისტრაციული შენობის ინტერნეტ მომსახურებით უზრუნველყოფა, ლიფტის მოვლა-პატრონობის უზრუნველყოფა; ელექტრომექანიკოსისა და სანტექნიკოსის მომსახურების უზრუნველყოფა და სხვა.

2. ახალგაზრდული ცენტრის მატერიალურ-ტექნიკური ბაზით აღჭურვა - აღნიშნული მუხლის ფარგლებში განხორციელდება ცენტრისათვის ინვენტარის (საკეცი მაგიდები და სკამები, პორტატული კომპიუტერი, მიკროფონის სამაგიდე სადგამი,) შეძენა და სხვა.

3. ახალგაზრდული ცენტრის ბრენდირება, ახალგაზრდების ინფორმირებულობა - ახალგაზრდულ ცენტრში, ახალგაზრდებისა და მოზარდების ჩართულობისთვის, აუცილებელია სარეკლამო მასალების დამზადება, რაც ხელს შეუწყობს ახალგაზრდული ცენტრის პროგრამის ღონისძიებების შესახებ ინფორმაციის გავრცელებასა და ახალგაზრდული ცენტრის პოპულარიზაციას, რაც თავის მხრივ გაზრდის ახალგაზრდული ცენტრის პროგრამებით დაინტერესებული მოზარდებისა და ახალგაზრდების რიცხვს. შესაბამისად, აღნიშნული პუნქტის ფარგლებში დამზადდება საინფორმაციო ფლაერები, წიგნის სანიშნეები, სილიკონის სამაჯურები, კალმები, ბლოკნოტები, მასურები, სტიკერები, წლის შემაჯამებელი ვიდეორგოლი და სხვ. ყველა ჩამოთვლილ რეკვიზიტზე აღნიშნული იქნება ახალგაზრდული ცენტრის ლოგო.

ყველასათვის ცნობილია, რომ ინფორმირებულობა ზრდის მონაწილეობისა და ჩართულობის სიხშირესა და დონეს. არასამთავრობო ორგანიზაცია „სამოქალაქო საზოგადოების ინსტიტუტის“ მიერ 2018 წელს ჩატარდა „ახალგაზრდების მდგომარეობის და საჭიროებების კვლევა ბათუმისა და ხელვაჩაურის მუნიციპალიტეტებში“. კვლევა უახლესია და ადასტურებს, რომ ინფორმირების პრობლემა აბრკოლებს ჩართულობის რაოდენობრივ შედეგს. გამომდინარე ზემოთაღნიშნულიდან, იმისთვის, რომ ახალგაზრდული ცენტრის ფარგლებში დაგეგმილი აქტივობები და პროგრამები მისწავდომი იყოს რაც შეიძლება მეტი ახალგაზრდისა და მოზარდისთვის, აუცილებელია საინფორმაციო კამპანიის უზრუნველყოფა. დაგეგმილი აქტივობების შესახებ უზრუნველყოფილი იქნება ინფორმაციის გავრცელება ფეისბუქის მეშვეობით, კერძოდ კი ახალგაზრდული ცენტრის ფეისბუქ გვერდზე განხორციელდება ინფორმაციის გავრცელების სერვისის შესყიდვა, ამასთანავე, ახალგაზრდებთან კომუნიკაციისა და სატელეფონო კავშირის დამყარებისთვის ცენტრის თანამშრომლებისთვის უზრუნველყოფილი იქნება უფასო სასაუბრო ლიმიტი.

4. არაფორმალური განათლების ხელშეწყობა - დღეისათვის, სკოლა, უნივერსიტეტი, ოჯახი და მოზარდებისა და ახალგაზრდების ირგვლივ არსებული გარემო ვერ იძლევა ისეთი სახის უნარების განვითარების შესაძლებლობას ახალგაზრდებში, რაც საჭიროა სიცოცხლის მანძილზე არსებული გამოწვევებისთვის, თვითდამკვიდრებისთვის, სოციალური ინტეგრირებისთვის, სამოქალაქო საზოგადოების ჩამოყალიბებისთვის. გამომდინარე იქიდან, რომ ფორმალურ საგანმანათლებლო სისტემას არ შეუძლია ადამიანის სრულყოფილი მომზადება, სახელმწიფო პასუხისმგებელი და ვალდებულია სხვადასხვა მიდგომებით იზრუნოს ახალგაზრდების განვითარების ხელშეწყობაზე, ერთ-ერთი საუკეთესო და გამოცდილი მიდგომა, ასეთ შემთხვევაში სწორედ არაფორმალური განათლების გავრცელებაზე გადის. შესაბამისად, 2019 წელს ქალაქ ბათუმის მუნიციპალიტეტი უზრუნველყოფს არაფორმალური განათლების პროგრამების მიწოდებას ადგილობრივი მოზარდებისა და ახალგაზრდებისთვის, რომლის ფარგლებშიც სხვადასხვა ცოდნისა და უნარების დაუფლებისთვის ჩატარდება ტრენინგები, სემინარები, ლექციები, ვორკშოპები, საინფორმაციო შეხვედრები. მათ შორის, სოციალური მეწარმეობისა და მოზარდებისა და ახალგაზრდების ფსიქოლოგიური მხარდაჭერის მიმართულებით. სოციალური მეწარმეობის პოპულარიზაციის ხელშეწყობა - იმის ფონზე რომ ქვეყანაში არსებობს დასაქმებისა და სხვადასხვა სოციალური სახის პრობლემები, მიზანშეწონილად მიგვაჩნია უზრუნველყოფილი იქნას ახალგაზრდების ინფორმირებულობა და დაინტერესების გაღვივება სოციალური მეწარმეობისადმი, რომლის ფარგლებშიც, ჩატარდება ტრენინგები და საინფორმაციო შეხვედრები სოციალური მეწარმეობისა და საწარმოების საქმიანობაში გათვითცნობიერებისთვის.

ფსიქოლოგის საათი - მოზარდებისა და ახალგაზრდებისთვის, განსაკუთრებით ასაკობრივი განვითარების შესაბამისად, მნიშვნელოვანი და აუცილებელია ფსიქოლოგიური მხარდაჭერა, რათა მათ წინაშე არსებული პრობლემები და გამოწვევები მარტივად იყოს დაძლეული, გარდა ამისა როგორც ვიცით მოზარდობის, გარდამავალი ასაკის პერიოდი განსაკუთრებულად რისკის შემცველი და პრობლემურია, გარდა ამისა, გახშირდა არასრულწლოვანთა შორის ძალადობის ფაქტები, სამწუხაროდ ზოგადასაგანმანათლებლო დაწესებულებებს ამ დრომდე არ აქვთ მოზარდისთვის ფსიქოლოგიური მხარდაჭერის სერვისები, აღნიშნული გარემოებების გათვალისწინებით, მიზანშეწონილად მიგვაჩნია ღონისძიების „ფსიქოლოგის საათის“ განხორციელება, რომლის ფარგლებშიც მოზარდებთან და ახალგაზრდებთან ჩატარდება საინფორმაციო ტრენინგები: ცხოვრებისეულ სირთულეებთან გამკლავების, პრობლემების იდენტიფიცირების, გადაწყვეტისა და ემოციის მართვის მზაობის განვითარებისთვის, უცხო გარემოში ადაპტირებისა და კომპლექსების დაძლევის უნარების განმტკიცებისთვის. ემოციური ინტელექტის განვითარებისთვის და ზალადობის პრევენციისთვის. ამისთვის, ბათუმის ახალგაზრდულ ცენტრში 7 თვის მანძილზე, თვეში ორჯერ ჩატარდება სულ 14 შეხვედრა პროფესიონალ და გამოცდილ პრაქტიკოს ფსიქოლოგებთან.

5. ახალგაზრდების თავისუფალი ინიციატივების მხარდაჭერა - როდესაც ვსაუბრობთ ახალგაზრდების ჩართულობასა და მონაწილეობაზე, მნიშვნელოვანია გაგანალიზოთ, რომ აქტიურობა და სხვადასხვა ღონისძიებებში ხშირი ჩართულობა ყოველთვის არ გულისხმობს რეალურ მონაწილეობას. ახალგაზრდების ჩართულობასა და მონაწილეობას გააჩნია თავისი დონეები, ახალგაზრდების ჩართულობის ხარისხის დასადგენად, საუკეთესო მოდელია როჯერ ჰარტის მონაწილეობის რვა საფეხურიანი კიბე. „მონაწილეობის კიბეზე“ პირველი სამი ეტაპი არის მანიპულირება, დეკორაცია და სიმბოლიზმი. მანიპულაციის დროს მოზარდები/ახალგაზრდები ასრულებენ დავალებას, მაგრამ არ ესმით, რას და რატომ აკეთებენ. როდესაც მოზარდები/ახალგაზრდები გაუცნობიერებლად მონაწილეობენ უფროსების მიერ დაგეგმილ ღონისძიებებში, მათ არ ესმით, რა ფუნქცია

აკისრიათ და რა არის პრობლემა. სიმბოლურობის საფეხურზე მოზარდს/ახალგაზრდას ეკითხებიან აზრს, მაგრამ საკუთარი შეხედულებების გამოთქმა სიმბოლურ ხასიათს ატარებს. მონაწილეობის კიბეზე ყველაზე პროგრესული საფეხურებია მე-7 და მე-8 საფეხურები - „უფროსების მიერ ინიცირებული“ მონაწილეობა და „ბავშვის მიერ ინიცირებული და მართული“ პროექტები.

საქართველოში ჩატარებული „ახალგაზრდული სფეროს კვლევის“ მიხედვით, კითხვაზე: „როგორი ფორმით სურთ ახალგაზრდებს იყვნენ ჩართულები ახალგაზრდული სფეროში და ზოგადად საზოგადოებრივ საქმიანობაში?“,

გამოკითხული აუდიტორიის 27,2%-სათვის ყველაზე მისაღები ფორმა არის, როდესაც

ახალგაზრდებს აქვთ იდეა და იმის შესაძლებლობა, რომ შექმნან პროექტი და დააპატიონ

სხვადასხვა სამთავრობო და/ან არასამთავრობო ორგანიზაციების ხელმძღვანელი პირები და

ასევე უფროსი თაობის წარმომადგენლები, რათა ისინიც მათთან ერთად ჩაერთონ

გადაწყვეტილების მიღების პროცესში. ასევე ჩართულობის მეშვიდე საფეხურზე - „ახალგაზრდების ინიციატივა და მართვა

ახალგაზრდების მიერ“ 26,8%-ით შეფასდა, როგორც ჩართულობის ერთ-ერთი ყველაზე სასურველი ფორმა, როდესაც

ახალგაზრდები იჩენენ ინიციატივას და თავიდან ბოლომდე დამოუკიდებლად მართავენ და ახორციელებენ პროექტებს.

ყოველივე აღნიშნულის საფუძველზე, მიზანშეწონილად მივიჩნით ახალგაზრდების იდეებისა და ინიციატივების

განხორციელების ხელშეწყობის უზრუნველყოფა. რაც გაზრდის გადაწყვეტილების მიღებასა და დაგეგმვის პროცესში

ახალგაზრდების რაოდენობის ზრდას, ახალგაზრდებში დამოუკიდებელი და გუნდური მუშაობის, ორგანიზების უნარების

პრაქტიკის დაუფლებას. თემის განვითარებაში ახალგაზრდების როლისა და მონაწილეობის გაზრდა. ქვეპროგრამის

„ახალგაზრდების თვისუფალი ინიციატივების დაფინანსება“ ფარგლებში კონკურსის წესით შეირჩევა ახალგაზრდების

მიერ წარმოდგენილი საინიციატივო პროექტები და დაფინანსდება.

პრიორიტეტი მიენიჭება ინოვაციურ და კრეატიულ პროექტებს შემდეგი მიმართულებით:

ა) განათლებისა და კულტურის ხელშეწყობა / მხარდაჭერა / წახალისება / სტიმულირება;

ბ) სპორტი და ჯანსაღი ცხოვრების წესის დამკვიდრება, პოპულარიზაცია;

გ) ახალგაზრდობის სფერო (ახალგაზრდული პოლიტიკის განვითარების ხელშეწყობის მიზნით);

დ) სოციალური მეწარმეობის (ახალგაზრდა მეწარმეთა) ხელშეწყობა (სოციალურად დაუცველთა, შშმ პირთა,

უსინათლოთა დასაქმება, ახალგაზრდა გამომგონებელთა ხელშეწყობა);

ე) ტურიზმის განვითარების ხელშეწყობა (მათ შორის, სპორტული ტურიზმი (ფეხით მოგზაურობა, სამთო-საწყლოსნო (ტივი, ნავი, კანოე, კაიაკი, ბაიადარი, ჯომარდობა), სამთო-სათხილამურო, ველოსიპედით, ასევე, აგროტურიზმი, ბიზნესტურიზმი (მ.შ. ტურისტული ბიზნეს ფორუმი), გამოფენა - გაყიდვები (ხალხური რეწვის ნაწარმის, ხელნაკეთი ნივთების და სხვა);

ვ) ინტელექტუალურ - საგანმანათლებლო და შემეცნებითი პროექტების წახალისება (პროფესიული ორიენტაცია და კარიერის დაგეგმვა, ახალგაზრდა მეცნიერები, ეკოლოგია და გარემოს დაცვა და ა.შ.);

ზ) და სხვა პროექტები (საზოგადოებრივ, კულტურულ და პოლიტიკურ ცხოვრებაში ახალგაზრდების აქტიური ჩართვის შესაძლებლობების წახალისება, სტიმულირება, ხელშეწყობა და მხარდაჭერა). ბათუმის მუნიციპალიტეტის მერიიდან მოთხოვნილი თანხა არ უნდა აღემატებოდეს 3 000 (სამი თასი) ლარს. განაცხადების მიღება იწარმოებს ღონისძიების „ახალგაზრდული ინიციატივების მხარდაჭერა“ ბიუჯეტის ამოწურვამდე.

ქვეპროგრამის განხორციელების პირობები და პროცედურები (მათ შორის განსახილველად წარმოსადგენი დოკუმენტების ჩამონათვალი, კონკურსანტის შეფასების კრიტერიუმები, კონკურსის ჩატარების და გამარჯვებულის დაფინანსების წესი და სხვ.) განისაზღვრება ქ. ბათუმის მუნიციპალიტეტის საკრებულოს სამართლებრივი აქტით.

6. კლუბების განვითარების ხელშეწყობა - სხვადასხვა მიმართულების თემატური კლუბების მუშაობა ყველაზე

გამართლებული პლატფორმა და მეთოდია ახალგაზრდებისა და მოზარდების ჩართულობისთვის. კლუბები იძლევა

საერთო ინტერესების ახალგაზრდების შეკრებისა და გაერთიანების საშუალებას, კლუბის ფარგლებში დაგეგმილი

ღონისძიებები გაცილებით ორგანიზებული და შედეგზე ორიენტირებულია. ახალგაზრდების შემოქმედებითი ნიჭის

გამოვლენისა და განვითარებისთვის, ასევე მსჯელობისა და ობიექტური აზროვნების განვითარებისთვის, სოციალური

პასუხისმგებლობის გააზრებისა და გათავისების, ხელოვნების დარგებთან დაახლოებისთვის და ესთეტიკური

განვითარების მიზნით, ამოქმედდება : ლიტერატურული, ხელოვნების, კინო, ეკოლოგიის კლუბები.

- ლიტერატურის კლუბი - ლიტერატურის კლუბში ჩატარდება წიგნების განხილვები, მოწვეული სპეციალისტები

ახალგაზრდებთან ერთად განიხილავენ შერჩეულ წიგნებს; გამოცხადდება კითხვის კლუბში მკითხველთა რეგისტრაცია.

შერჩეული იქნება 12 წიგნი, რომელთა სია ახალგაზრდებს 6 თვით ადრე მიეწოდებათ, შედეგა თითოეული მათგანის

განხილვის გრაფიკი, რაც ასევე წინასწარ ეცნობებათ დაინტერესებულ ახალგაზრდებს. განხილვებს გაუძღვება

კომპეტენტური სპეციალისტები. ჩატარდება შემაჯამებელი ლიტერატურული ვიქტორინა, წაკითხული წიგნებიდან

შედეგილ ტესტებში. გამარჯვებულები წახალისდებიან სხვადასხვა პრიზებით.

კინოკლუბი - მოეწეობა კინოჩვენებები, მოწვეული კინომცოდნეები ახალგაზრდებთან ერთად განიხილვენ ფილმებს, ახალგაზრდებს, რომლებსაც სწრებადობის მაღალი მაჩვენებელი ექნებათ წახალისდებიან კინოთეატრის კინოპრემიერების ბილეთებით.

- ხელოვნების კლუბი - თეატრალური ხელოვნებითა და მსახიობობით დაინტერესებული მოზარდების, მათ შორის შეზღუდული შესაძლებლობის მქონე მოზარდებისა და ახალგაზრდების მონაწილეობით დაიდგება სპექტაკლი.
- ეკოლოგიის კლუბი - ეკოლოგიასთან დაკავშირებული ცოდნის გავრცელება, დამოკიდებულების შეცვლა და უნარების გამომუშავება ბუნებრივი გარემო პირობების შენარჩუნების, დაცვისა და ბუნებრივ გარემოში ცხოვრების შესახებ. მოზარდებისა და ახალგაზრდების ინფორმირებულობა იმის შესახებ თუ რა ზიანი შეიძლება მიაყენოს გარემოს ადამიანის ამა თუ იმ მოქმედებამ, როგორ შეინარჩუნონ და დაიცვან ბუნებრივი გარემო. ჩატრდება ტრენინგები, ლაშქრობები, თანატოლგანმანათლებელთა კამპანიები, დასუფთავებისა და გამწვანების აქციები;

7. საზაფხულო ბანაკების ორგანიზება - ცნობილია, რომ ახალგაზრდული ბანაკები მოზარდებისა და ახალგაზრდების სოციალიზაციის, დამოუკიდებლობის, ახალი გამოცდილების, საკუთარი თავის უკეთ შეცნობის, პასუხისმგებლობის გამომუშავების ერთ-ერთი საუკეთესო საშუალებაა, სადაც საინტერესოდ დაგეგმილი დღის რეჟიმი, იძლევა გართობის, დასვენებისა და შემეცნების შესაძლებლობებს, რაც ხელს ხელს უწყობს სტრესის რეგულაციას, კონცენტრაციას, სწავლის უნარის გაუმჯობესებას. მოზარდებისა და ახალგაზრდების დასვენებასა და გართობის საჭიროებაზე ხაზგასმით არის აღნიშნული საქართველოს მთავრობის 2014 წლის 2 აპრილის განკარგულებით დამტკიცებულ „საქართველოს სახელმწიფო ახალგაზრდული პოლიტიკის დოკუმენტი“ სადაც ვკითხულობთ: „საქართველოს მთავრობის ამოცანებია - ხელი შეუწყოს ახალგაზრდებისთვის კულტურული, შემოქმედებითი და რეკრეაციული პროგრამების რაოდენობისა და მასშტაბების გაზრდას“. ამასთანავე, მოზარდებისა და ახალგაზრდების ინტერესებში და განვითარებისთვის საჭირო გარემო პირობებში ყოველთვის მოიაზრება გართობა, თამაში და დასვენება, ფიზიკური აქტივობები, ამისთვის ქვეყნის ან რეგიონის ტერიტორიაზე შეირჩევა ადგილი და მოეწყობა ბანაკი, პროგრამა ორიენტირებული იქნება ახალგაზრდების ფიზიკურ, გონივრულ და პიროვნულ განვითარებაზე.

8. შეზღუდული შესაძლებლობის მქონე პირთა ინტეგრაციის ხელშეწყობა - ახალგაზრდებისთვის დაგეგმილ ღონისძიებებში იზვიათად თუ შევნიშნავთ შეზღუდული შესაძლებლობის მქონე ახალგაზრდებს, რა თქმა უნდა ასეთი რეალობის მიზეზი და პრობლემა მდგომარეობს იმაში რომ გარემო პირობები სათანადოდ არ არის ადაპტირებული იმისთვის, რომ მათთვის ხელმისაწვდომი იყოს დაგეგმილი პროექტები. გარდა ამისა, საზოგადოება ჯერ კიდევ მხოლოდ და მხოლოდ სამედიცინო მოდელით უყურებს შეზღუდულ შესაძლებლობებს, ასეთი მიდგომები და სტერეოტიპები კი შეზღუდული შესაძლებლობის მქონე ახალგაზრდებს ართმევს იმის დამოუკიდებლობისა და მომავალში დასაქმების შესაძლებლობას. მნიშვნელოვანია რომ საზოგადოების ინფორმირების პროცესი გაგრძელდეს და მათი თვითსეგნება ამაღლდეს ისე რომ სამედიცინო მოდელთან ერთად ყურადღებას ამახვილებდნენ სოციალურ მოდელზე. ღონისძიების „შეზღუდული შესაძლებლობის მქონე პირთა ინტეგრაციის ხელშეწყობა“ ფარგლებში, გაიზრდება ახალგაზრდულ პროგრამებში შეზღუდული შესაძლებლობის მქონე პირების მონაწილეობისა და ჩართვის ხელმისაწვდომობა . უზრუნველყოფილი იქნება ღონისძიებებში ჩართულობისთვის ტრანსპორტირება და სხვა სახის. ჩატრდება ქესტური ენის შემსწავლელი კაკვეთილები. მოეწყობა შეზღუდული შესაძლებლობის მქონე პირების საკითხებთან დაკავშირებულ სტიგმებთან და სტერეოტიპებთან ბრძოლის საინფორმაციო კამპანიები, წინა პლანზე წამოიწევა სოციალური მოდელის დანერგვა. გარდა ამისა, დაგეგმილ ღონისძიებებსა და საგანმანათლებლო პროგრამებში შეზღუდული შესაძლებლობის მქონე ახალგაზრდების ჩართულობისთვის მათი სურვილიდან გამომდინარე, უზრუნველყოფილი იქნება ტრანსპორტირებასთან დაკავშირებული საკითხები. ცნობადობის ამაღლებისა და ინფორმირების მიზნით მოეწყობა ღონისძიებები :

- ა) 2 აპრილი - აუტიზმის ცნობადობის ამაღლების დღე;
- ბ) 21 მარტი - დაუნის სინდომის მსოფლიო დღე;
- დ) 3 დეკემბერი - შეზღუდული შესაძლებლობის მქონე პირთა საერთაშორისო დღე .

9. აქტიური ახალგაზრდებისთვის წამახალისებელი ღონისძიებები - აქტიური ახალგაზრდების მოტივაციის შენარჩუნებისა და სხვა ახალგაზრდების დაინტერესებისა და პროგრამებში ჩართულობის გაზრდისთვის, ახალგაზრდულ პროგრამებში აქტიურად ჩართული მონაწილეებისთვის მოეწყობა ლაშქრობები, სხვადასხვა სახის გასართობი ღონისძიებები.

10. ახალგაზრდობის საერთაშორისო დღე - ახალგაზრდობის საერთაშორისო დღეს მსოფლიო ყოველ წელს, 12 აგვისტოს აღნიშნავს. დღესასწაული, რომელიც მოწოდებულია, პოპულარიზება გაუწიოს ოჯახურ ფასეულობებს, ჯანსაღი ცხოვრების წესსა და ახალგაზრდებში კულტურული მემკვიდრეობის გაფრთხილებას, გაეროს გენერალურმა ასამბლეამ დააწესა და ყოველ წელს სპეციალური თემა აქვს, რომლის ირგვლივაც იგეგმება ღონისძიებები და აქტივობები. 2019 წელს ბათუმში მცხოვრები ახალგაზრდებისთვის გამოცხადებული თემის ირგვლივ მოეწყობა სხვადასხვა სახის ღონისძიებები.

დასახელება	პროდუქტები			
	განზომილება	რაოდენობა	ერთ. საშ. ფასი	სულ (ლარი)
ახალგაზრდული ცენტრის მოვლა-პატრონობა	ცალი	1	19 000	19 000
ახალგაზრდული ცენტრის მატერიალურ-ტექნიკური ბაზით აღჭურვა				6 000
ახალგაზრდული ცენტრის ბრენდირება, ახალგაზრდების ინფორმირებულობა				6 000
არაფორმალური განათლების ხელშეწყობა				13 000
ახალგაზრდების თავისუფალი ინიციატივების მხარდაჭერა	ცალი	10	3 000	30 000
კლუბების განვითარების ხელშეწყობა	ცალი	4	2 500	10 000
საზაფხულო ბანაკების ორგანიზება	ცალი	1	17 000	17 000
შეზღუდული შესაძლებლობის მქონე პირთა ინტეგრაციის ხელშეწყობა				10 000
აქტიური ახალგაზრდებისთვის წამახალისებელი ღონისძიებები				6 000
ახალგაზრდობის საერთაშორისო დღე	ცალი	1	5 000	5 000
სულ ქვეპროგრამა				122 000

ქვეპროგრამის განხორციელების დროითი გეგმა

დასახელება	1 კვარტალი	2 კვარტალი	3 კვარტალი	4 კვარტალი
ახალგაზრდული ცენტრის მოვლა-პატრონობა	X	X	X	X
ახალგაზრდული ცენტრის მატერიალურ-ტექნიკური ბაზით აღჭურვა	X	X	X	X
ახალგაზრდული ცენტრის ბრენდირება, ახალგაზრდების ინფორმირებულობა	X	X	X	X
არაფორმალური განათლების ხელშეწყობა	X	X	X	X
ახალგაზრდების თავისუფალი ინიციატივების მხარდაჭერა	X	X	X	X
კლუბების განვითარების ხელშეწყობა	X	X	X	X
საზაფხულო ბანაკების ორგანიზება			X	
შეზღუდული შესაძლებლობის მქონე პირთა ინტეგრაციის ხელშეწყობა	X	X	X	X
აქტიური ახალგაზრდებისთვის წამახალისებელი ღონისძიებები		X	X	X
ახალგაზრდობის საერთაშორისო დღე			X	

შუალედური მოსალოდნელი შედეგი (2019 წელი)

1. ფუნქციონირებს ახალგაზრდებისთვის არაფორმალური განათლების, თავისუფალი დროის რაციონალურად გამოყენებისა და საერთო ინტერესების მქონე ახალგაზრდების თავშეყრის, კულტურულ-შემეცნებითი ღონისძიებების მოწყობისა და ახალგაზრდების განვითარების ალტერნატიული სივრცე.
2. ახალგაზრდები დამოუკიდებლად ახდენენ იდეის ინიცირებას, განხორციელებასა და მართვას, შესაბამისად მხარდაჭერილია ახალგაზრდების ინიციატივების განხორციელება.

დამატებითი ინფორმაცია

ქვეპროგრამით გათვალისწინებული „ახალგაზრდების თავისუფალი ინიციატივების მხარდაჭერის“ პუნქტით დასაფინანსებელ პირთა რაოდენობა წარმოადგენს საორიენტაციო მაჩვენებელს. თუ 10 პირის დაფინანსების შემდეგ, „ახალგაზრდების თავისუფალი ინიციატივების მხარდაჭერის“ პუნქტში ბიუჯეტი არ ამოიწურება, შესაძლებელია ქვეპროგრამით დადგენილი პირობების დაცვით 10 პირზე მეტის დაფინანსება.

ქვეპროგრამის შუალედური შედეგის ინდიკატორები

მოსალოდნელი შედეგი	შედეგის ინდიკატორები	სამიზნე მაჩვენებელი	გაზომვის ერთეული	მონაცემთა წყარო	სიხშირე	პასუხისმგებელი (საბიუჯეტო ორგანიზაცია)	მოგროვების მეთოდი
ფუნქციონირებს ახალგაზრდებისთვის არაფორმალური განათლების, თავისუფალი დროის რაციონალურად გამოყენებისა და საერთო ინტერესების მქონე ახალგაზრდების თავშეყრის, კულტურულ-შემეცნებითი ღონისძიებების მოწყობისა და ახალგაზრდების განვითარების ალტერნატიული სივრცე	ცენტრში ჩატარებული აქტივობების რაოდენობა	250	რაოდენობა	ქ. ბათუმის მუნიციპალიტეტის მერიის განათლების, კულტურის, სპორტისა და ახალგაზრდობის სამსახურის, განათლების, კულტურის, სპორტისა და ახალგაზრდობის პროგრამების მართვის განყოფილება	კვარტალში ერთხელ	ქ. ბათუმის მუნიციპალიტეტის მერიის განათლების, კულტურის, სპორტისა და ახალგაზრდობის სამსახური	მონიტორინგი
	ახალგაზრდული ცენტრის პროგრამის ფარგლებში განხორციელებული აქტივობებისა და ღონისძიებებში ჩართული ახალგაზრდების რაოდენობა (არანაკლებ)	5000	რაოდენობა	ქ. ბათუმის მუნიციპალიტეტის მერიის განათლების, კულტურის, სპორტისა და ახალგაზრდობის სამსახურის, განათლების, კულტურის, სპორტისა და ახალგაზრდობის პროგრამების მართვის განყოფილება	კვარტალში ერთხელ	ქ. ბათუმის მუნიციპალიტეტის მერიის განათლების, კულტურის, სპორტისა და ახალგაზრდობის სამსახური	მონიტორინგი
ახალგაზრდები დამოუკიდებლად ახდენენ იდეის ინიცირებას, განხორციელებასა და მართვას	ახალგაზრდების მიერ ინიცირებული და განხორციელებული პროექტების რაოდენობა	10	რაოდენობა	ქ. ბათუმის მუნიციპალიტეტის მერიის განათლების, კულტურის, სპორტისა და ახალგაზრდობის სამსახურის, განათლების, კულტურის, სპორტისა და ახალგაზრდობის პროგრამების მართვის განყოფილება	კვარტალში ერთხელ	ქ. ბათუმის მუნიციპალიტეტის მერიის განათლების, კულტურის, სპორტისა და ახალგაზრდობის სამსახური	მონიტორინგი
	პროექტებში ჩართული ახალგაზრდების რაოდენობა (არანაკლებ)	500	რაოდენობა	ქ. ბათუმის მუნიციპალიტეტის მერიის განათლების, კულტურის, სპორტისა და ახალგაზრდობის სამსახურის, განათლების, კულტურის, სპორტისა და ახალგაზრდობის პროგრამების მართვის განყოფილება	კვარტალში ერთხელ	ქ. ბათუმის მუნიციპალიტეტის მერიის განათლების, კულტურის, სპორტისა და ახალგაზრდობის სამსახური	მონიტორინგი

<p>განსახილველად წარმოდგენილი განაცხადების რაოდენობა (არანაკლებ)</p>	<p>25</p>	<p>რაოდენობა</p>	<p>ქ. ბათუმის მუნიციპალიტეტის მერიის განათლების, კულტურის, სპორტისა და ახალგაზრდობის სამსახურის, განათლების, კულტურის, სპორტისა და ახალგაზრდობის პროგრამების მართვის განყოფილება</p>	<p>კვარტალში ერთხელ</p>	<p>ქ. ბათუმის მუნიციპალიტეტის მერიის განათლების, კულტურის, სპორტისა და ახალგაზრდობის სამსახური</p>	<p>მონიტორინგი</p>
--	-----------	------------------	--	-----------------------------	--	--------------------

ქვეპროგრამის განაცხადის ფორმა

პროგრამის დასახელება, რის ფარგლებშიც ხორციელდება ქვეპროგრამა:

ახალგაზრდობის განვითარების ხელშეწყობა

ქვეპროგრამის კლასიფიკაციის კოდი: 05 06 02

ქვეპროგრამის დასახელება:

ინტელექტუალური და შემეცნებითი პროექტების მხარდაჭერა

ქვეპროგრამის განმახორციელებელი:

ქ. ბათუმის მუნიციპალიტეტის მერიის განათლების, კულტურის, სპორტისა და ახალგაზრდობის სამსახური

ქვეპროგრამის ბიუჯეტი:

დასახელება	2019 წელი
მუნიციპალური ბიუჯეტი	35 000
სხვა წყარო	0
სულ ქვეპროგრამა	35 000

ქვეპროგრამის მიზანი:

ქვეპროგრამის მიზანია ახალგაზრდობის ინტელექტუალური და კოგნიტური განვითარების ხელშეწყობა,

ქვეპროგრამის დასაბუთება და აღწერა:

მოზარდობისა და ახალგაზრდული ასაკი ეს არის გონებრივი შესაძლებლობების განვითარების საუკეთესო პერიოდი. ამ დროს მოზარდები ინტერესს აკლენენ იმ ცოდნის მიმართ, რომელიც ფორმალური განათლების ფარგლებს სცილდება, ახასიათებთ შემოქმედებითობა, ახალი ცოდნის მიღებისა და თვითგანათლების მოთხოვნილება, აბსტრაქტული აზროვნება, იდეალიზებული და წარმოსახვის უნარები, უფროსი სასკოლო ასაკის სასწავლო საქმიანობა გვევლინება შემეცნებითი ფსიქიკური პროცესების განვითარების მამოძრავებელ ძალად. არსებითი ძვრები ხდება მათი აზროვნების განვითარების მიმართულებით, აზროვნება ღებულობს აქტიურ, დამოუკიდებელ და შემოქმედებით ხასიათს. სააზროვნო ოპერაციები მიმდინარეობს განზოგადების და აბსტრაქციის უფრო მაღალ დონეზე, მიზეზობრივი კავშირების ძიებით, ვითარდება ლოგიკური დასაბუთების უნარი და დასკვნების გამოტანის შესაძლებლობა. ინტელექტუალური განვითარება მხოლოდ იმაში კი არ გამოიხატება, რომ გროვდება გარკვეული ცოდნა და იცვლება ინტელექტის ცალკეული მხარეები, არამედ ყალიბდება გონებრივი მოქმედების ინდივიდუალური სტილი. 16 – 17 წლიდან განსაკუთრებული სწრაფი ტემპით ვითარდება ლოგიკური აზროვნების უნარი, რასაც ლოგიკური აზროვნების ჩამოყალიბების თვალსაზრისით, გადამწყვეტი მნიშვნელობა ენიჭება. ამიტომაც მნიშვნელოვანია, რომ განსაკუთრებით ამ პერიოდში ახალგაზრდობისთვის არსებობდეს ინტელექტუალური განვითარების პროგრამები, პროექტები და ინტელექტუალური განვითარებისთვის ხელშემწყობი და მასტიმულირებელი სივრცეები, რაც მათ დაეხმარებათ აზროვნების განვითარებაში, ახალი მატერიალური, ინტელექტუალური და სულიერი ღირებულებების შესაქმნელად.

იმის გათვალისწინებით, რომ უფროსი სასკოლო ასაკის, სტუდენტებისა და ახალგაზრდობის განსაკუთრებული ინტერესის წყაროს წარმოადგენს ინტელექტუალურ და შემეცნებით თამაშებსა და აქტივობებში ჩართულობა, ბათუმელი ახალგაზრდობის გონებრივი, კოგნიტური და ინტელექტუალური განვითარებისთვის ხელმისაწვდომი იქნება შემდეგი ღონისძიებები:

1. ინტელექტუალური - თამაში "რა? სად? როდის?"

ღონისძიება ითვალისწინებს ქალაქის მასშტაბით, მოსწავლეებს, სტუდენტებსა და ახალგაზრდებს შორის რა? სად? როდის? ინტელექტუალური ტურნირების ჩატარებას. თამაშები განხორციელდება სამ ეტაპად:

ა) მოსწავლეთა ლიგის თამაშები;

ბ) სტუდენტთა ლიგის თამაშები;

გ) ბათუმის ღია ჩემპიონატის თამაშები;

თამაშები ჩატარდება „MAK“-ის საერთაშორისო წესების დაცვით, jeopardy-ის ჯგუფური ტურნირი, „პლეი-ოფისა“ და „ბრინ-რინგი“-ს სისტემით. თითოეულ ეტაპზე გამოვლინდებიან გამარჯვებულები, რომლებიც დაჯილდოვდებიან წიგნებით, თასებითა და ფასიანი საჩუქრებით.

2. ინტელექტუალური მედიაპროექტი „ეტალონი“ (I ეტაპი) - გასვლითი არასატელევიზიო ფორმატის ინტელექტუალურ კონკურს „ეტალონიში“ მონაწილეობის მიღება შეუძლია ქ. ბათუმის მუნიციპალიტეტის ნებისმიერი საჯარო სკოლის VIII, IX, X, XI და XII კლასის მოსწავლეს. მონაწილეს შეუძლია თითოეულ დასმულ კითხვაზე, ოთხი სავარაუდო პასუხიდან, 15 წამის განმავლობაში გასცეს სწორი პასუხი. პროექტის განხორციელების შედეგად გამოვლინდება „ქალაქ ბათუმის ეტალონი მოსწავლე“. ღონისძიების ფარგლებში დაფინანსდება პროექტის ორგანიზების ხარჯები.

3. კონკურსი „სიტყვის კონა“ - სულხან-საბა ორბელიანი აღორძინების ხანის დიდი მოღვაწე, შესანიშნავი იგავთმწერი, ლექსიკოგრაფი, მთარგმნელი, დიპლომატი და მეცნიერი იყო. ორბელიანის განმანათლებლური მოღვაწეობა, მწერლობის აღორძინებასთან ერთად, მიზნად ისახავდა სამეცნიერო დარგების განვითარებას. ენციკლოპედიურ ელემენტებს შეიცავს მისი „ქართული ლექსიკონი“ („სიტყვის კონა“, 1685–1716), რომელიც გამოირჩევა იმ დროისათვის მოწინავე მეთოდოლოგიით, უმდიდრესი ფაქტობრივი მასალის სიუხვით; მასში ასახულია ქართული სალიტერატურო ენის, კერძოდ, ლექსიკონის განვითარების ძირითადი ეტაპები. გლობალიზაციის პირობებში, მნიშვნელოვანია რომ შევინარჩუნოთ ჩვენი საგანძურის - ქართული ენის სიწმინდე, სწორედ ამ მიზანს ემსახურებოდა თავის დროზე ლექსიკონის შექმნა. კონკურსი მიზნად ისახავს ქართული ენის თვითმყოფადობის შენარჩუნებას, ახალგაზრდა თაობებში ქართული ენის ლექსიკური მარაგისა და განმარტებით ლექსიკონთან მუშაობის უნარების განვითარებას. ღონისძიების ფარგლებში ბათუმის ზოგადსაგანმანათლებლო სკოლების მე-2 და მე-3 საფეხურის მოსწავლეებისთვის ჩატარდება კონკურსი სულხან-საბა ორბელიანის ქართული ენის განმარტებითი ლექსიკონის „სიტყვის კონაში“. საუკეთესო შედეგების მქონე მონაწილეები დასაჩუქრდებიან სხვადასხვა პრიზებით. ქვეპროგრამის განხორციელების პირობები და პროცედურები (მათ შორის, კონკურსის ჩატარების და გამარჯვებულის გამოვლენის წესი და სხვ.) განისაზღვრება ქ. ბათუმის მუნიციპალიტეტის მერის სამართლებრივი აქტით.

დასახელება	პროექტები			
	განზომილება	რაოდენობა	ერთ. საშ. ფასი	სულ (ლარი)
ინტელექტუალური თამაში რა? სად? როდის?	ტური	1	15000	15000
ინტელექტუალური მედიაპროექტი „ეტალონი“ (I ეტაპი)	ეტაპი	1	2960	2 960
კონკურსი „სიტყვის კონა“	კონკურსი	1	17 040	17 040
სულ ქვეპროგრამა				35 000

ქვეპროგრამის განხორციელების დროითი გეგმა

დასახელება	1 კვარტალი	2 კვარტალი	3 კვარტალი	4 კვარტალი
ინტელექტუალური თამაში რა? სად? როდის?	X	X	X	X
ინტელექტუალური მედიაპროექტი „ეტალონი“ (I ეტაპი)		X		
კონკურსი „სიტყვის კონა“		X	X	

შუალედური მოსალოდნელი შედეგი (2019 წელი)

ხელსეწყობილია ახალგაზრდების ინტელექტუალური და კოგნიტური განვითარება.

დამატებითი ინფორმაცია

ქვეპროგრამის შუალედური შედეგის ინდიკატორები

მოსალოდნელი შედეგი	შედეგის ინდიკატორები	სამიზნე მაჩვენებელი	გაზომვის ერთეული	მონაცემთა წყარო	სიხშირე	პასუხისმგებელი (საბიუჯეტო ორგანიზაცია)	მოგროვების მეთოდი
ხელსეწყობილია ახალგაზრდების ინტელექტუალური და კოგნიტური განვითარება.	ინტელექტუალურ-შემეცნებითი პროექტების რაოდენობა, რომელიც ორგანიზებული და მხარდაჭრილია მუნიციპალიტეტის მიერ	3	რაოდენობა	განათლების, კულტურის, სპორტისა და ახალგაზრდობის პროგრამების მართვის განყოფილება	კვარტალში ერთხელ	ქ. ბათუმის მუნიციპალიტეტის მერიის განათლების, კულტურის, სპორტისა და ახალგაზრდობის სამსახური	მონიტორინგი
	მუნიციპალიტეტის მხარდაჭერით განხორციელებული ინტელექტუალურ-შემეცნებით პროექტებში ჩართული ახალგაზრდების რაოდენობა (არანაკლებ)	2000	რაოდენობა	განათლების, კულტურის, სპორტისა და ახალგაზრდობის პროგრამების მართვის განყოფილება	კვარტალში ერთხელ	ქ. ბათუმის მუნიციპალიტეტის მერიის განათლების, კულტურის, სპორტისა და ახალგაზრდობის სამსახური	მონიტორინგი